


TEZAUUR LITURGIC
28 OCTOMBRIE

ACATISTUL
SF. IERARH
DIMITRIE,
MITROPOLITUL
ROSTOVULUI
I



MOSCOVA, 2000



Акаѳистъ иже во святыхъ отцу нашему Димитрію, митрополиту Ростовскому

Кондакъ 1

Избранному чудотворцу и угоднику Христову Димитрію составимъ похвалы, яко заступнику нашему и теплomu о насъ молитвеннику. Ты же, имѣяй дерзновение ко Господу, преклонися милостивнѣ къ зовущимъ ти:

Радуйся, Димитріе, великій чудотворче.

Икосъ 1

Ангель нравомъ, аще и человекъ естествомъ былъ еси, святителю Димитріе: кротостію и милостію привлѣклъ еси благодать Всесвятаго Духа и явился еси Его обиталищемъ. Тѣмже мы, благодаряще Бога, прославившаго въ земли нашей таковаго святителя, воспѣваемъ тебѣ сице:

Радуйся, незлобіемъ твоимъ Агнца, прореченнаго Исаіемъ, подражавый; радуйся, кротости христіанскія примѣръ собою показавый.

Ра́дуйся, ми́лосе́рдиемъ сво́имъ ни́щія
препита́вый; [ра́дуйся, вмѣ́сто тлѣ́нныхъ
нетлѣ́нная стяжавый].

Ра́дуйся, се́рдобо́лиемъ утѣ́шивый стра́ждущія;
ра́дуйся, къ подва́стнымъ тебѣ́ всегда́ бы́вый
отце́мъ чадолю́бивымъ.

Ра́дуйся, Дми́тріе, вели́кій чуде́творче.

Конда́къ 2

Ви́дяще оби́льную рѣ́ку чуде́сь и исцѣ́ленийъ отъ
святы́хъ твои́хъ мо́щей истека́ющую,
благоговѣ́ннѣя и ра́дости испо́лншесѣя,
благодаримъ́ Бо́га, просла́вляющаго тебѣ́,
вели́кій Дми́тріе, и непреста́нно вопі́емъ
Созда́телю на́шему: Аллилу́ія.

Ико́сь 2

Ра́зумъ и́стиннаго богосло́вія внуша́я ча́домъ
Христо́вы Цѣ́ркве, непреста́нно златослове́сными
поуче́ніями утвержда́лъ еси́; ерети́чествующи́хъ
же раско́льниковъ въ заблужде́ніяхъ обли́чая,
иска́лъ привле́щи и тѣ́хъ къ спаса́тельному
единомы́слию. За тако́вое твоѣ́ о душа́хъ на́шихъ
попече́ніе по до́лгу взыва́емъ тебѣ́ си́це:

Ра́дуйся, сто́лпе благоче́стія; ра́дуйся,
пла́меню, пожига́й нече́стіе.

Ра́дуйся, тайнниче Пресвяты́я Трои́цы;
ра́дуйся, проповѣдниче неисчѣтныхъ чудесъ
Бо́жихъ.

Ра́дуйся, суемудря обличителю; ра́дуйся,
правовѣрія рачителю.

Ра́дуйся, Димитріе, великій чудотворче.

Кондакъ 3

Си́лою благода́ти Бо́жія ещѣ во вре́менной
жизни пріялъ еси́ вла́сть, свя́те Димитріе, бѣсы
изгоня́ти и неду́ги исцѣля́ти. По сме́рти же твое́й
наипа́че просла́ви тебѣ́ Всемо́гущій Бо́гъ
мно́гими чудотворе́ніями, да вси́, зря́ще сіе́,
непреста́нно воспѣ́вають Бо́гу: Аллилу́ія.

Икосъ 3

Имѣ́я неусы́пное попече́ніе о спасе́нии ду́шъ,
ввѣреннѣхъ тебѣ́ отъ Бо́га, святите́лю Димитріе,
непреста́нно наста́влялъ еси́ па́ству твою́
душеспаси́тельной жи́зни, подава́я собо́ю
примѣ́ръ соверше́нства христі́анскаго.
Исправивъ нелѣ́нностно таковы́й по́дви́гъ, приими́
отъ на́шего усерді́я похва́лы сицевы́я:

Ра́дуйся, вмѣсти́лище добродѣ́телей; ра́дуйся,
святы́ни жили́ще.

Ра́дуйся, мечу́, поро́ки посѣ́цающій; ра́дуйся,
свѣ́тило, пу́ть правы́й указу́ющее.

Ра́дуйся, луна́, прие́млющая свѣтъ сво́й отъ Христа́, Со́лнца правды; ра́дуйся, звѣздо́, сия́ющая во тмѣ́ су́щимъ.

Ра́дуйся, Димит́рие, вели́кій чудотво́рче.

Конда́къ 4

Бу́ря недоумѣ́ннѣя смуща́етъ мя́, святи́телю Димит́рие, ка́ко досто́йно могу́ возглаго́лати вели́чїя твоя́? Но ты́, я́ко бла́гъ и милосѣ́рдъ, воззри́ не на недосто́йство творе́нїя сего́, но на усѣ́рдное моѐ произво́ленїе, и научи́ мя грѣ́шнаго, ка́ко подоба́етъ душе́ю ощу́щати славосло́віе Бо́жіе, и пѣ́ти: Аллилу́їя.

Ико́сь 4

Слы́шаша суемудре́ннїи раско́льницы твоѐ о́нихъ изобличе́нїе, е́же ты́, болѣ́знуя о заблужде́нїи ихъ серде́чномъ, написа́лъ еси́, — возпламени́шася гнѣ́вомъ и я́ростїю. Но ты́, я́ко тве́рдый адама́нтъ, не измѣ́нился еси́ подъ уда́рами зло́бы и ненави́сти, и, радя́ о сла́вѣ Бо́жіей па́че любве́ челове́ческія, непреста́нно укоря́лъ о́ныхъ звѣро́нравныхъ ча́дъ, терза́ющихъ утробу́ своея́ ма́тери. Сего́ ра́ди вопіе́мъ ти́:

Ра́дуйся, Златоуста́го ревни́телю; ра́дуйся, Це́ркве Христо́вы поборо́ниче.

Ра́дуйся, златосло́вѣсными́ уста́ми небѣсныя́ истины́ вѣща́яй; ра́дуйся, земны́я по́чести ни во что́ вѣнча́яй.

Ра́дуйся, па́стырю до́брый, огражда́яй свое́ ста́до отъ волко́въ губите́лей; ра́дуйся, ма́нною Боже́ственнаго уче́нiя своя́ о́вцы пита́яй.

Ра́дуйся, Дими́тріе, вели́кій чудотво́рче.

Конда́къ 5

Боготе́чная звѣзда́ яви́лся еси́ въ течѣнiи́ твоѣмъ, е́же ты́ соверша́лъ еси́, свое́ спасѣ́нiе устро́яя, и примѣ́ромъ своимъ ду́ши вѣ́рныхъ нази́дая, вопiю́щихъ усѣ́рдно къ Бо́гу: Аллилу́и́я.

Ико́сь 5

Ви́дѣвши а́нгельсти́и чи́нове ещѣ́ во вре́менной жи́зни твоѣ́й по́двиги́ тво́я, и возде́ржное́ житiѣ́ твоѣ́, просла́вляху́ Чело́вѣколю́бца́ Бо́га, подкрѣ́пляюща́го немощно́е чело́вѣческо́е естество́. Мы́ же ублажа́емъ тя́ похва́лами́ сими́:

Ра́дуйся, усѣ́рдный Бо́жiй служи́телю; ра́дуйся, а́нгеловъ сожителю́.

Ра́дуйся, преподо́бныхъ собесѣ́дниче; ра́дуйся, святи́телей удо́брѣнiе́.

Ра́дуйся, мона́ховъ и по́стниковъ наста́вниче; ра́дуйся, всѣ́хъ вѣ́рныхъ несомнѣ́нное при́бѣжище́.

Ра́дуйся, Дими́тріе, вели́кій чудотво́рче.

Конда́къ 6

Проповѣ́дуеть Россія́ вся́ вели́чія Бо́жія, на тебѣ́ показанная, святи́телю Дими́тріе, я́ко всѣ́мъ прося́щимъ тя́ подае́ши въ болѣ́зняхъ исцѣ́леніе, въ бѣ́дахъ изба́вленіе, и во всѣ́хъ ну́ждахъ ско́рое вспомо́ществова́ніе. Сего́ ра́ди немол́чно воспѣ́ваемъ Благодѣ́телю, Бо́гу на́шему: Аллилу́ія.

Ико́сь 6

Возсія́ въ ду́шѣ твоёй блиста́ющей свѣ́тъ и́стиннаго боговѣ́дѣ́нія, освяща́я ду́ши вѣ́рныхъ, съ сла́дostí внима́ющихъ уче́нію тво́ему, и похваля́ющихъ тя́ си́це:

Ра́дуйся, орга́не Ду́ха Всесвята́го; ра́дуйся, тимпа́не, услажда́ющей благочесті́выхъ чу́вства.

Ра́дуйся, златокова́нная труба́, враги́ устраша́ющая; ра́дуйся, свирѣ́ль, утѣша́ющая о́вцы, тобо́ю пасо́мья.

Ра́дуйся, архіере́ю вели́кій; ра́дуйся, па́стырю предобры́й.

Ра́дуйся, Дими́тріе, вели́кій чудотво́рче.

Конда́къ 7

Хотя́ досто́йнымъ о́бразомъ совер́шити по́двигъ, возложе́нный на тя́ отъ Бо́га, пе́рвѣе

укрѣплялъ еси свою душу прочтѣніемъ житія святыхъ, предполагая себѣ подражаніе онѣхъ. Таже почувствовавъ пользу изъ того проистекающую, не облѣнился еси быти писателемъ жизни тѣхъ, съ нимиже нынѣ въ невечернемъ свѣтѣ сладко воспѣваеши Богу: Аллилуія.

Икосъ 7

Новаго тя Николая Мурликійскаго и Златоуста Цареградскаго видимъ, святителю Димитріе: овый бо Арія бѣснующагося отъ собора отцевъ отгналъ есть, овъ же Церковь Божію сладкословесными ученіи украсилъ есть; ты же еретичествующихъ раскольниковъ обличилъ еси, и вѣрныхъ списаніями твоими и богодухновеннымъ ученіемъ уцѣломудрилъ еси. Услыши убо насъ, вопіющихъ таковая:

Радуйся, Православія ревнителю; радуйся, расколовъ искоренителю.

Радуйся, свѣтило благочестія; радуйся, пламеню, пожигаяй нечестіе.

Радуйся, росó, угоджающая сердца вѣрныхъ; радуйся, громе, поражающей злочестивыхъ.

Радуйся, Димитріе, великій чудотворче.

Кондакъ 8

Странно видѣти невѣрующимъ Божіей силѣ, како въ мѣртвенномъ тѣлѣ и нетлѣннѣмъ возможно было тебѣ, святителю Христовѣ, непреткновенно проходить ангельское житіе. Мы же, благодаря о семъ Милосердаго Бога, любовію сердечною взываемъ: Аллилуія.

Икосъ 8

Весь и всего себе покоривъ волѣ Божіей, и вся вещественная и тлѣнная вмѣнивъ умѣты быти, душею и сердцемъ возжелѣлъ еси наслаждаться Божіимъ лицезрѣніемъ. Таковое благое твое произволеніе увѣнчавъ Всещедрый Человѣколюбецъ Своєю благодатію, повелѣваетъ намъ воспѣвати тя сице:

Радуйся, яко Богу совершенно угодилъ еси; радуйся, яко вѣнецъ безсмертныя жизни получилъ еси.

Радуйся, наслаждаяся райскія сладости; радуйся, насыщаяся Божія благодати.

Радуйся, вѣрныхъ учителю и наставниче; радуйся, прибѣгающихъ къ тебѣ теплый заступниче.

Радуйся, Димитріе, великій чудотворче.

Кондакъ 9

Всякія бѣды, скорби и напасти избавляй насъ, святе Димитріе, твоими къ Богу тёплыми молитвами, и даруй намъ и временная благая, и вѣчное блаженство получитьи, да съ тобою купно въ селеніи праведныхъ воспоемъ Богу: Аллилуія.

Икосъ 9

Витійство человѣческое не возмѣжетъ изрещи доволно, коликую благодать получилъ еси, святе Димитріе, отъ Бога, Егѣже ты усердно возлюбилъ еси. Но мы, любовію побѣждаеми, дерзаемъ воспѣти тебѣ похвалы таковыя:

Радуйся, больныхъ исцѣленіе; радуйся, немощныхъ подкрѣпленіе.

Радуйся, скорбныхъ и печальныхъ утѣшеніе; радуйся, страждущихъ скорая помощь.

Радуйся, неимущимъ богатство источаяй; радуйся, всѣмъ просящимъ скорую помощь подаваяй.

Радуйся, Димитріе, великій чудотворче.

Кондакъ 10

Спасти хотя твою душу, нерадилъ еси о твоей плоти, но паче измождилъ еси ю постомъ, бдѣніемъ, молитвами и всякимъ удрученіемъ, да возмѣжеша невольно возсылати къ Богу тёплыя молитвы, поя: Аллилуія.

Икосъ 10

Стѣна еси, ограждающая отъ всякихъ бѣдъ, всѣхъ усердно тя въ помощь призывающихъ, святителю Димитріе, и во всѣхъ странахъ Россійскія державы ясно проповѣдуются обильныя чудеса, бывшая у святыхъ мощей твоихъ. И тако ублажаемъ тя, отче святыи, сице:

Радуйся, фіалъ, источаяй елей Божія милосердія; радуйся, отъ Бога дарованныи намъ заступниче.

Радуйся, бѣсовъ прогонителю; радуйся, лютыхъ болѣзней цѣлителю.

Радуйся, добрыхъ насадителю; радуйся, злыхъ искоренителю.

Радуйся, Димитріе, великій чудотворче.

Кондакъ 11

Пѣніе немолкаемое приносилъ еси Пресвятѣй Троицѣ, святе Димитріе, аще не гласомъ и не словомъ, то дѣлами и духомъ. Нынѣ же, предстояи престолу Вседержителя, моли о насъ, воспѣвающихъ: Аллилуія.

Икосъ 11

Свѣтозарный твой умъ озарилъ всѣхъ вѣрныхъ сердца уясненіемъ Божественныхъ тайнъ, ихже познавая, сподобляемся пріяти въ души наши лучу несозданнаго Троическаго свѣта, еже

исходатайствуй намъ улучшить, святе Димитріе, вопіющихъ ти:

Радуйся, заре Божія свѣта; радуйся, денница Сѡлнца правды.

Радуйся, сіяніе евангельскаго ученія; радуйся, свѣтило небеснаго блистанія.

Радуйся, просвѣщаяй души вѣрныхъ; радуйся, озаряяй сердца ищущихъ правды.

Радуйся, Димитріе, великій чудотворче.

Кондакъ 12

Благодать дана ти есть отъ Бога, святе Димитріе, цѣлители недуги и болѣзни человеческія, и избавляти отъ всякія нужды и печали. Тѣмже и мы, припадая со умиленіемъ, просимъ тя: избави насъ отъ золь грѣховныхъ, да поемъ Богу: Аллилуія.

Икосъ 12

Поюще твоя чудеса, святителю Димитріе, восхваляемъ Бога, даровавшаго благодать тебѣ такую. Ты же услыши насъ, вопіющихъ тебѣ сице:

Радуйся, свѣтильниче всесвѣтлый; радуйся, проповѣдниче изящный.

Ра́дуйся, орга́не премудро́сти Бо́жия; ра́дуйся, я́ко тобо́ю дерзнове́нно бездну́ милосе́рдия Бо́жия призыва́емъ.

Ра́дуйся, всѣхъ добродѣ́телей зерца́ло; ра́дуйся, христіа́нъ всѣхъ похва́ло.

Ра́дуйся, Димі́тріе, вели́кій чудотво́рче.

Конда́къ 13

О, вели́кій святи́телю Димі́тріе! Приими́ сіе похва́льное пѣ́ніе, и изба́ви на́съ отъ вся́каго зла́ твои́мъ къ Бо́гу хода́тайствомъ, воспѣ́вающихъ: Аллилу́ія.

[Сей конда́къ глаго́лется три́жды. Та́же и́косъ 1-й: Ангелъ нра́вомъ... И конда́къ 1-й: Избра́нному чудотво́рцу...]

Моли́тва

О, всеблаже́нный святи́телю Димі́тріе, вели́кій уго́днике Христо́въ, злато́усте Росси́йскій, услы́ши на́съ, грѣ́шныхъ, моля́щихся тебѣ́, и принеси́ моли́тву на́шу къ Ми́лостивому и Человѣ́колю́бцу Бо́гу, Ему́же ты ны́нѣ въ ра́дости святи́хъ и съ ли́ки а́нгель предсто́иши. Умоли́ Его́ благоутро́біе, да не осуди́тъ на́съ по беззаконі́ямъ на́шимъ, но да сотвори́тъ съ на́ми по ми́лости Сво́ей. Испроси́ на́мъ у Христа́ и Бо́га на́шего ми́рное и безмяте́жное житі́е, здра́віе душе́вное и тѣ́лесное, земли́ благопло́діе

и во всѣмъ всякое изобиліе и благодѣнствіе, и да не во зло обратимъ благая, даруемая намъ отъ Щедрого Бога, но въ славу Его и въ прославленіе твоего заступленія. Даруй намъ богоугодно преити поприще временныя жизни, избави насъ воздушныхъ мытарствъ и настави насъ на путь, ведущій въ селенія праведныхъ, идѣже празднующихъ гласъ непрестанный, зрящихъ Божія лица неизреченную доброту. Церковь же святую отъ расколовъ и ересей сохрани, вѣрныхъ укрѣпи, заблуждающихъ обрати и всѣмъ даруй вся, яже ко спасенію и славѣ Божіей подобающая. Отечество твое сохрани отъ враговъ ненавѣтно, но поборай оружію крестоноснаго воинства, и подаждь намъ всѣмъ твое архипастырское и святое благословеніе, да онымъ осѣняеми, избавимся отъ козней лукаваго и избѣгнемъ отъ всякія бѣды и напасти. Услыши моленіе наше, отче Димитріе, и моли непрестанно о насъ Всесильнаго Бога, славиимаго и покланяемаго въ Тріехъ Упостасѣхъ, Емуже подобаеть всякая слава, честь и держава во вѣки вѣковъ. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**